

4  
1966

№ 7 (1233) თბილისი, აპრილი 1966

# ნანა

გამოცემის 43-ე წელი. ფასი 20 კპ.

ქრონიკული  
გიგლოთეკა

ნ.ბ. ა. შირთაღაშვილი

მ. 66



ქრონიკული უბანურა

# ჯანყება

## ჯანა

სალამს, როგორც მოწყალებას,  
იშვითად არიგებს,  
„ძალის-ძალად“ თუ არ მისცეს,  
ქრთამსაც კი არ აიღებს.

სამსახურში, ვისაც ჭერ არს,  
ეგებება ღიმილით,  
თუ გაბრაზდა, ცას მიწვდება  
მისი ლანძღვა-ყვირილი.


სადაც ცოლი თითს დაადებს,  
იქ აშენებს აგარაკს,  
უბატონოდ ნათესავიც  
ვერ უბედავს ლაპარაკს.

კოსტუმით იცვლის ბინებს,  
პერანგივით — მანქანებს,  
„სხვისი ჭირი — ღობეს ჩხირი“,  
თავის ჭიას ახარებს.

მისთვის სიტყვის უბერუნებას  
ვერვინ ბედავს ავადა,  
ცვალებადი კაცია და  
შეუცვლელი თამადა.

ტრადიცია ღვინის, ყანწის  
წმინდადა აქვს დაცული...  
მოკლედ, რაღა გავაგრძელო, —  
კაცი არის კაცური!

წ. კაციაშვილი




ნ. ბ. აბაშიანი



— ესაა თქვენი გამწვივი ძალა?!  
— არ გაწვივს და ტყავს გაგაძრობ!  
— ტყავი უკვე გაბიძვრიათ!

პარტიის მხითარინი,  
სომხურ სატირულ-უმორისტულ  
ჟურნალ  
„კოზნის“ თანამშრომელი.



— იცი, შვილო, მე სულაც არ  
მეწყინება ბებიას თუ დამიძახე-  
ბენ. — მითხრა დედამ.

— მე არ მინდა შენს საქმეში  
ჩავერიო, ჩემო შვილო, მაგრამ გა-  
სოვდეს, რომ ბავშვის გავრდა  
ტანჯვა. საერთოდ კი არ გირჩევ  
აჩქარებას. — მარიგებდა მამა.

ბებია და ბაბუა კი დაბეჩიეთე-  
ბით ამტიცებდნენ, რომ ოჯახი  
ბავშვის გარეშე არ შეიძლება, რომ  
ბავშვი ოჯახის მშვენიერებაა.

მოდრი და გაიგე კაცმა, როგორ  
უნდა მოიქცე. მე საამისოდ არც  
სტუი და არც გამოცდილება მყო-  
ფნიდა. მხოლოდ რამდენიმე თვე  
იყო გასული მას შემდეგ, რაც  
ცოლი შევირთე.

გადავწყვიტე, თვითონ გავრკვე-  
ულიყო ყველაფერში. გაგებუ-  
ლი მქონდა, რომ წიგნი — ადამია-  
ნის საუკეთესო მეგობარი და  
მრჩეველია. ამ ღოჭუნებით აღფ-  
რთოვანებული ჩავუჭექე წიგნებს  
და დავიწყე კითხვა. ერთ-ერთი  
დიდი პოეტის კრებულში ასეთ  
სტრიქონებს წავაწყდი: „მამა ხარ?  
— გაიძვერა ხარ!“ შევძრწუნდი.  
ნუთუ ჩემი დირექტორი... გაიძვე-  
რაა, ისიც ხომ მამაა. ანდა მამა-  
ჩემი! არავითარ შემთხვევაში. პი-  
რიქით, იგი სამსახურში ადგილ-  
კომის თავმჯდომარედ აირჩიეს,  
რაისაბჭოს დეპუტატია და კონ-  
ფერენციის დელეგატი...

დავიბენი. ჩემთვის მხოლოდ  
ერთი იყო ნათელი, რომ სჭოვს,  
საერთოდ, უცოლოდ დარჩე, ვიდ-  
რე ის, რომ გაიძვერა გიძახონ.  
(თუმცა ჩემი ერთი მეგობარი  
მთელი გულწრფელობით მიმტი-  
ცებს, რომ ჩვენთან სამსახურში  
გაიძვერები დიდ პატივისცემაში  
არაინო).

გადავდე ყველა საქმე და წიგნს  
წიგნზე ვკითხულობ. ერთ-ერთ  
პოეტთან ასეთ სტრიქონებს წავა-  
წყდი: „მამა არა ხარ? — გაიძვე-  
რა ხარ!“ აქ კი საბოლოოდ და-  
ვიბენი.

დრო კი არ ითმენდა. გაუთავე-  
ბელ კამათს ბოლო უნდა მოდებო-  
და. გავხდე თუ არა მამა? აჰ აუ-  
ტანელ ფიქრსა და ყოყმანში ვი-  
ყავი, როდესაც... ბავშვი შემეძინა.  
ახლა პრაქტიკულად ვაკვირდები,  
თუ მე და ჩემს უმცროს ძმა  
ოვიკას შორის, რომელი უფრო  
დიდი გაიძვერაა. ოვიკას ჭერ  
ცოლ-შვილი არა ჰყავს.

ჩემი ქალიშვილი ღამ-ღამობით  
მოუსვენრად წრიალებს, ყვირის,  
ტირის. ბებია და ბაბუა მესხარე-  
ბიან ბავშვის დაწყნარებაში. მშო-  
ბლები კი უკმაყოფილოდ ბუ-  
ღუნებენ: „ხომ გეუბნებოდით, ხომ  
გაფრთხილებდით?!“

გულახდილად რომ ვთქვათ, ჩემს  
გოგონას ამ არეულობაში ბრაღი  
არ მიუძღვის. ყველაფერში დამ-

ნაშვე მეზობლის ძაღლია, რომე-  
ლიც გამუდმებით ყეფს და არ  
აძინებს პატარას. რას იზამ,  
ძაღლს ყეფის რეგლამენტს ვერ  
დაუნიშნავ. ჩვენი მეზობელი,  
ძაღლის პატრონი, თოჯინების თე-  
ატრის მსახიობია და სწირად მუ-  
ლტფილმებში შინაურ ცხოველებ-  
საც კი ანსახიერებს.

სხვათა შორის, ეს მისი მეორე  
ძაღლია. პირველი ძაღლიც ბევრს  
ყეფდა და ერთმა მეზობელმა მო-  
უწყამლა. მამინ მსახიობმა დიდი  
აყალმუყალი ატეხა და, რაც მთა-  
ვარია, ასე დაემუქრა ძაღლის მო-  
მწამლავს:

— შენ არ იფიქრო, ძაღლის  
მოწამვლით სიმშვიდე მოიპოვე-  
სანამ ახალ ძაღლს არ ვიშოვნი, მე  
თვითონ ვიყუფებ ღამ-ღამობით!  
მსახიობი მართლაც ყეფდა, ყე-  
ფდა მთელი მონღოლებით, მაგრამ  
რატომღაც ნაკლებად წარმატებით.  
ალბათ, მაყურებლებისა და თეა-  
ტრალური კრიტიკოსების გარეშე.  
შემოქმედებით ენთუზიზმის ნაკ-  
ლებობას განიცდიდა.

ასე იყო თუ ისე, ჩვენ ყოველ  
ღილით მივიდიოდით სამსახურში  
და ვბრუნდებოდით მამინ, როცა  
ბებია ბავშვს აძინებდა თავისი  
ტკბილი იავანათი. ჩემი ცოლი  
ამის გამო ძალიან ბრაზობდა.

— რა მოძველებულ სიმღერებს  
მღერის ბებიაშენი?! ბავშვის გე-  
მოვლება თავიდანვე უნდა განვი-  
თარდეს.

— შენ გინდა, რომ ბებია მო-  
ცარტის „რეკვიემი“ იმღეროს?

— თუ არ შეუძლია, შენ იმ-  
ღერე!

— მე?  
— თუ არც შენ შეგიძლია, მა-  
შინ ვინმე დაიჭირავე!

მინდოდა მეთქვა, რომ არსად  
მოიძებნება ისეთი მომღერალი,  
რომელიც მიატოვებს ოპერას და  
მოვა ჩვენთან არიების სამღერ-  
ლად. რომც გამოჩნდეს ასეთი,  
რა საშუალებით უნდა დავიჭირა-  
ვოთ, როცა ჩვენი საკუთარი სი-  
ცოცხლის დაღვრვის ფულიც კი  
არა გვაქვს გადახდილი? მინდოდა  
მეთქვა, მაგრამ გავჩუმდი. გავჩუ-  
მდი იმიტომ, რომ ამას მოჰყვებო-  
და: არა მაქვს ქურჭი, არა მაქვს  
ტუფლი, არა მაქვს კაბა და სხვა..

რას იზამ, ბავშვის დაბადებამდე  
ჩემი ცოლი ძაღლზე თვინიერი იყო.  
ახლა კი, ნულარ იკითხავთ, თით-  
ქოს შემეცვალესო. მე უკვე შე-  
ვიჩვიე და აღარ ვეკამათები.

ასე რომ, თუ მკითხვენ, ვინ უფ-  
რო გაიძვერაა, შენ თუ შენი ძმაო,  
პასუხის გაცემა, ალბათ, გამიჭირ-  
დება. ვიტყვი მხოლოდ, რომ ყვე-  
ლაფერში დამნაშავე მეზობლის  
ძაღლია-მეთქი.

თარგმან ბ. კახიანი.



— ვაიშე, დედა, მუცელი, ვკვდები...  
— ხომ ხართ მოწყობილი? ჯერ ხელი არ მიხლია!

### ნუშისტვალა ქალიშვილი

არ ვიცოდი, ვისი შვილი იყო, სახელად რა ერქვა, სად ცხოვრობდა, ვის ენათესავენოდა, ვისთან მეგობრობდა, სად სწავლობდა; თუ არ სწავლობდა — სად მსახურობდა, იყო თუ არა გათხოვილი, და თუ გაუთხოვარი იყო, ვის თანაუგრძობდა.

პირველად რომ ვნახე, მართო მოდიოდა ქუჩაში და როცა მომიახლოვდა, თვალი თვალში გამიყარა. მწვავე ცნობისმოყვარეობა! — აი, რა ისტებოდა მის ლამაზ, ნუშისმავარ თვალეში.

მეორეჯერ დედიკოსთან ერთად შემომეყარა. ძალიან ჰგავდნენ ერთმანეთს. ქალიშვილი კვლავ გამისწორა თვალი და, სანამ არ ჩაიარეს, დაჟინებით მომჩერებოდა. ამჯერად მის მზერაში ჩემდამი სიმპათია ამოვიკითხე და დავასკვენი, რომ ის გაუთხოვარი იყო და მე მოვეწონე.

ამ აღმოჩენამ გული სიამით ამივსო. გადავწყვიტე, მორიგი შეხვედრის დროს, გამოვლაპარაკებოდი, გამეცნო, და, საბოლოოდ, ცხოვრების მეგობრად გამეხადა.


დიდხანს ვიფიქრე იმაზე, თუ როგორ დამეწყო მოქმედება. წინ გადავდგომოდი? ვაითუ, დამეფრთხო. „ლამაზი მიმეცა? ბრიყვიაო, იფიქრებდა ადევნება და მალულად ცნობების შეკრება კი ჩემს თავს არ ვაკადრე. არადა, ისეთ ადგილას ვერსად შევხვდი, სადაც ქალის გაცნობა არამცთუ ადვილი და მოსახერხებელი, არამედ ზოგჯერ გარდაუვალიც კი არის. მოულოდნელად შემომეყვრებოდა ხოლმე გზაზე, გამომწვევად შემომხედავდა, ჩაივლიდა და მტოვებდა ადგუნებულ-აფორიაქებულს.

ბოლოს, როგორც იქნა, მომეცა განზრახვის სისრულეში მოყვანის შესაძლებლობა.

ამხანაგის თანხლებით სამსახურისკენ მივიჩქაროდი, როცა ჩვენკენ მომავალი ნუშისთვალა ქალიშვილი დავინახე. ამხანაგის გვერდით ყოფნამ სიმხნევე შემმატა, ნაბიჯი შევანელე და გუნებაში სათქმელის ჩამოყალიბებას შევეუდექი: „ბოდიში, ერთი წუთით, თუ შეიძლება! მაპატიეთ, რომ ასე მოურიდებლად გაგაჩერეთ, მაგრაშე!“

— ოთარ! — გამაწყვეტინა ფიქრი ამხანაგმა. — ჩვენკენ რომ გოგო მოდის, კარგად დააკვირდი: რალაც სხვანაირად მიყურებს ხოლმე... ვატყობ, მოვწონვარ. საცა შემხედება, თვალს მიმტერებს, მესიყვარულება... ერთი უნდა მოვინჯო და გამოვლაპარაკო!..

3. ზარაშიძე



ნახ. 3. ზირცხალაშასი

ვმრძლშვილიანი დედა

### ნამდვილი, ნამდვილი, ნამდვილი ამბავი



სამი ვირი ქეიფობდა, სამი ვირი „მგოსანი“, ღვინო ედგათ ტიბანის, შარშანდელი მოსავლის.

ნიახური და ტარხუნა და ყინტორა კრახუნა, შემწვარი და მოხარშული, იმერულად, კახურად...

ერთმა ლექსი წაიკითხა, ვირის ყურზე უგრძესი; მეორემ თქვა ამ პირველზე: „კაციაო უბრძნესი!“

„საკუთარი ხმით გიცნობენ!“ — დაუმატა მესამემ.

„მოკვდები და მუტრუკები სადღეგრძელოს შესვამენ!“

მეორეზე პირველმა თქვა: „მერანივით“ ლექსს წერო,



ჩოჩორზე რომ პოემა გაქვს, მოდი, ერთი ლექსო!

ამ მეორემ წაიკითხა, იმ პირველზე უგრძესი... ახლა მეორეზე ითქვა: „კაციაო უბრძნესი!“

მესამეზე მეორემ თქვა: „სიტყვა აქვსო ფრთიანი, წესით უნდა დააწერონ მის წიგნს „დავითიანი“.“

დიდხანს, დიდხანს იყროყინეს, სუფრა აატლინკავეს, ბევრი ღვინო აშაფუღავეს, ბევრი ატლანტიკავეს.

ზევით მთვარე იღიმოდა, მთვარე გვირგვინოსანი... ქვევით სამი ვირი იჯდა, სამი ვირი „მგოსანი“.

ჯანსაღი



# და... ხოხობიც კი...

(იუმორისტული ნოველა)

ნახ. მ. ზუმბარნიკისა



პირველი ფინანსური ოპერაცია.

## მინიატურები


იგი იჯდა და წერდა. სტრიქონები ფარავდნენ თეთრ ქაღალდს. თბილისური ზამთრის მზე მთელი ენერგიით ათბობდა მას. ნაადრევად გამოსხეთქილი კვირტები ლირიკულ განწყობას ჰქმნიდნენ. საღვთადაც, შორს, მონოტონურად ხმაურობდნენ მძიმეწონიანი მატარებლის თვლები და, იქვე, ბუსარზე, ტიკტიკებდა დიდი საათი. იგი იჯდა და წერდა... წერდა საჩივარს მეზობელზე, რომელმაც გარაჟის მშენებლობა დაიწყო საერთო ეზოში.

მწერალ სიკინჭილაძის ახალ რომანს კრიტიკოსები გააფთრებით ეცნენ. ყველა გაზეთი აჭრელბუბული იყო სათაურებითა და რუბრიკებით: „სიკინჭილაძე, სად არის რეალიზმი?!“, „აბსოლუტური უცოდინანრობა თანამედროვე აგრონომისა!“, „გათავეთ ღრუბლებში ფრენა!“ და სხვა ამგვარი.

მხოლოდ ერთმა სტატიაში მოიხსენია იგი, როგორც მცოდნე, მამაცი, მებრძოლი და ნიჭიერი მწერალი. ეს სტატია იყო... ნეკროლოგი.

ა. კონსტანიძე

ნახ. ჯ. ლოლუასი



ხუთსართულიანი ბინება.

იმ დღეს, როცა უკვე ვამთავრებდით ერთ-ერთი დაბის საზოგადოების განყოფილების გამგის — ბუთხუზ ბულდანიჩის საქმიანობის შემოწმებას, მან საგანგებო თათბირი მოიწვია, სადაც კარგა ვრცელი სიტყვით გამოვიდა. მისმა სიტყვამ წარუშლელი კვალი დატოვა ჩემში არა იმიტომ, რომ მას არ აკლდა ჰუმანური და დემოკრატიული ელემენტები, არამედ იმ მოვლენით, რომლითაც შეწყდა ეს სიტყვა.

საჭიროდ ვთვლი მოგახსენოთ, რომ ბუთხუზ ბულდანიჩი არასდროს გამოირჩეოდა უბრალოებითა და თავმდაბლობით, პირიქით — ძალზე ეგოისტი იყო და კარიერისტიც. ვერც თავლზე უფრო ტკბილი ღიმილი შევლოდა, მუდამ რომ გადაფინილი ჰქონდა მიმზიდველ სახეზე, და ვერც თავისიანი სიტყვა-პასუხი. მთელი თავისი სიცოცხლის განმავლობაში თბილ ადგილს ეძებდა, რა თქმა უნდა, არა ჰაერის, არამედ ჯიბის ტემპერატურის თვალსაზრისით. უყვარდა ტყვიანთა ასიანები და აღმერთებდა ქვეყნად ყველაზე დიდი ბრიალიანტის მფლობელს.

მეტისმეტეტი ჭამა-სმისაგან თუ ჯდომისაგან კუნძივით იყო დამრგვალებული. ისეთი მოკლე და სქელი კისერი ჰქონდა, რომ იმის შემხედვარე კაცს მაშინვე ხალხური ანდაზა გაახსენდებოდა: „მგელს იმიტომ აქვს სქელი კისერი, რომ ყველაფერს კისრულაობს“. მიუხედავად ამისა, ბულდანიჩი საქმელებში მსუქან ლუქმას ამჯობინებდა, თუმცა, სხვებთან, მკაცრი ლიტის უპირატესობათა პრობაგანდას ეწეოდა. უყვარდა შავი ხიზილალა, ღორის მწვადი (რასაკვირველია, სუკისა), ცივად მოხარშული ვარია, შებრაწული გოჭი და სხვა. სვამდა შავ ღვინოსა და მხოლოდ ხუთვარსკვლავიან კონიაკს.

მაბატიე, მკითხველო, შენი ძვირფასი მოთმინების ბოროტად გამოყენება. განა დამაიფრება, რომ საკითხი ბულდანიჩის სიტყვას ეხებოდა? მისი გამოსვლა ჩაწერილი მაქვს უბის წიგნაკში და მთლიანად მოგიყვან:

„ჩვენს სასაბუღალტრო ადგილი აქვს აგრეთვე სხვა სისაძაგლეებსაც, — განაცხადა ორატორმა, თან, რატომღაც, ცერი გაუსვა საჩვენებელ თითს, — ამგვარად ლაბარაჯი სადილეებსა და მათში გამოყენებულ პროდუქტების ხარისხს არ ეხება, არც მითვისებებსა და გაფლანგვებს და არც სანტარისა და ჰიგიენის ელემენტარული წესების დარღვევას. ირკვევა, რომ ყველაფერ ამასთან ერთად ირღვევა სახალხო დემოკრატიის წმიდათა წმიდა საფუძველები.“

«Человек звучит гордо!» — უთქვამს გენიალურ პოეტ... გორკინს (?!); მუცელი მუცელია და კუჭიც კუჭი, რიგითი მშრომლისა იქნება ის, თუ ხელმძღვანელი მუშაკისა... და, როგორ გგონიათ, მუშებმა არ იციან, არ ესმით, ანდა ვერ ხედავენ ყველაფერ ამას?.. სულ სხვაა, როცა სტუმრები ჩამოდიან ცენტრიდან (ბულდანიჩმა მრავალმნიშვნელოვანი მზერა ისროლა ჩემკენ და თათბირის დამსწრეებმაც ერთი კაცივით შემომხედეს) და საჭირო ხდება ასაბრუნებ გამოვიდეს მთელ ქვეყანაზე განთქმული ჩვენი სტუმართმოყვარეობა!..

შემოწმების დღეს, ჩვენი რესტორნის სამზარეულოზე მიდგმულ პატარა ოთახში, სადაც ისედაც თბილა, დგას სარკიანი ხელსაბანი საპნით და სუფთა პირსახოცით, ღუმელი გუგუნებდა მაშინ, როცა დარბაზში ხალხი ისხდა პალტოთი და ქუდივით; მე არ ვლაპარაკობ სიცივისაგან გალურჯებულ და მოთახთახე მუშებზე — მათ ას-ასი გრამიც ეყოფათ, რომ გვარიანად შეხუტდნენ, მე ვეხები იმ ამბავს, რომ პატარა ოთახში, სადაც უხვად გაწყობილი მაგიდის გარშემო თავი მოეყარა ჩვენი დაბის რჩეულ საზოგადოებას, მათ შორის იყო ჩვენი ძვირფასი სტუმარიც (თათბირის მონაწილეებმა კვლავ ერთი კაცივით მოიხედეს ჩემკენ), სუფრაზე ელაჯა ისეთი საქმელები, რომლებიც დიდი ხანია გაჰქარა ჩვენი ობიექტების მენიუებიდან: შავი და წითელი ხიზილალა, ღორის მწვადი (რასაკვირველია, სუკისა), მოხარშული და ტაბაკა ვარიები, ერთთვისანი შებრაწული გოჭი (რასაკვირველია, არა ფერმიდან) და... ხოხობიც კი...“

ალბათ, კიდევ დიდხანს ილაპარაკებდა ორატორი, იქნებ სხვა მაგალითებიც მოეტანა, რომ ადგილი არ ჰქონოდა იმ მოვლენას, რომელსაც ეძღვნება ეს სტრიქონები.

ხმაურით გაიღო ბულდანიჩის ზურგის, ან, როგორც ამბობენ, უკანა კარი და შემოვარდა ლამაზი და ჩაფუნთუშებული ოფიციალტი ქალი; შემოვარდა და როგორ შემოვარდა — სახეზე უკრთოდა ბრწყინვალე და ბედნიერი ღიმილი, თავზე მდლავ ეჭირა ვერცხლივით მოვლვარე ვეებერთელა ლანგარი... უცბად მიხვდა რა თავის შეცდომას (საწყალმა არაფერი იცოდა თათბირის შესახებ), მოიკვინტა შეღებილი ტუჩები და გაშეშდა თავზარდაცემული.


ლანგარზე წრეშეკრულად ეწყო ყველა ღროსა და ყველა ხალხის უსაყვარლესი საქმელები და... ხოხობიც კი...

აღღებულმა თათბირზე დამსწრეებმა, რომლებიც ძალიან შეძრულნი იყვნენ თავიანთი უფროსის დემოკრატიული სიტყვით, თავისუფლად ამოისუნთქეს და ერთმანეთს გადახედეს. მე კი ვუყურებდი ბულდანიჩს და მახსენდებოდა უნობილი ანდაზა: „თევზი რიგადან ყროლდებაო“.

თარგმანი  
ზაქვან მადულაშვილისა



# "რედაქციის" კონკურსი



ძვირფასო მკითხველებო! ნიანგს კარგად ესმის რეკლამის დიდი მნიშვნელობა. ამის გამო რედაქციამ მოაწყო კონკურსი თბილისში არსებულ ყველა განცხადებასა და აზრს. კონკურსი მიმდინარეობდა ფარული კენჭისყრით. უიურიმ გულდასმით განიხილა კონკურსზე წარმოდგენილი მასალები და, ხმის უმრავლესობით, პირველი პრემიები მიაკუთვნა აქ წარმოდგენილ ნიმუშებს.

ნიანგის თხოვნაა, ყველა წარმოება-დაწესებულებამ გულდასმით შეისწავლოს ეს ორი პრემირებული წარწერა, როგორც ენის, სტილისა და აზრის იშვიათი „ნიმუში“.



კონკურსი გრძელდება. დარჩენილია კიდევ რამდენიმე პირველი პრემია.

### ძმარ ნიანგო!

ქარელის რაიონის სოფელ დიდი ახალსოფლის ხილზე ოცნება ამ სოფლის თავაყებმა ქარს გაატანეს. ახლა გაწაფხული დაგვიდგა, მდინარემ კალაპოტი შეავსო, მიმოსვლა შეწყდა. ახალსოფელელებმა ცურვის სექციის ჩამოყალიბება გადაწყვიტეთ, მხოლოდ მწვრთნელი ვერსად ვიშოვნეთ!

გვიშველეთ, ნიანგო! იქნებ სადმე, პირველთარიგოსანი თუ არა, სპორტის ოსტატი მინც გამოვიინახო მწვრთნელად და სასწრაფოდ მოგვაშველო პარაშუტით.


უსიღო წყალგაღმელები

### საუპარალო ნიანგო!

„ნეტავ, ვიცოდეთ, ჩვენს უბანს თუ ელირსება სინათლე? სად არ ვიჩივლეთ, არ იქნა, ვერსად ვიპოვნეთ სიმართლე. აბა, შენ იცი, ნიანგო, თუ გვიხსნი, დაგვეხმარები, გვიშველეთ, გამოგვიგზავნე ჯიბის ელექტროფანრები!“

ასე ამღერებენ ჩონგურზე ოდიშის სასოფლო საბჭოს სოფელ ქვემო ლინდავის მესამე ბრიგადის მცხოვრებნი და ოჩამჩირის რაიონის სოფელილურის კომკავშირის სახელობის კოლმეურნეობის № 1 ბრიგადის წევრები.

მეორეხარეთა ანსამბლი



### ჩემო ნიანგო!

ზესტაფონის რაიონის სოფელ ზედა საქარის ბელღევის უბნის ტალახი თუმცა სამკურნალოდ არ ვარგა, მაგრამ მას სხვა ფრიად მნიშვნელოვანი თვისებები ახასიათებს. მაგალითად, ეკვრის და ეწეება თითქმის ყველაფერს, არასოდეს შრება და თუ ზედა გაიარე, ფეხსაცმლისა და მოვახსენო და ფეხი კი აუცილებლად დაგრჩება შიგ. ჩვენი თავმჯდომარე ქალაქელია, ტალახს ორგანულად ვერ იტანს და ისე მოგვანატრა თავი, კოლმეურნეობის საერთო კრებაზე რომ შეგვხვდეს, შეიძლება ვერც ვიცნოთ.

დაგვეხმარე, ნიანგო! ამ სირცხვილს გადაგვარჩინე, გზა გაგვიკეთე, თორემ სად გავგონილა თავმჯდომარე თავის საყვარელ კოლწევრს იყოს დაწებებული?!

გადატალახეზულები

### ძვირფასო ნიანგო!

1965 წლის აპრილში, სიღნაღის რაიონის სოფელ საქობოში, ამოვარდა ჩრდილო-აღმოსავლეთ-დასავლეთის ზომიერამდე „ნიავი“ და კავშირგაბმულობის ერთი ბოძი წააქცია, ბოძმა ხაზი გაიყოლა, ხაზმა კი იოსებ გიორგის ძე კველიშვილის ბინის ტელეფონი დაამუწა. ზოგი ჭირი მარგებელიაო, და ამ ამბავმა ბევრ კეთილხალხთან დაამეგობრა დაწარალებული. გაჩაღდა „სახიყვარულო“ წერილების მიწერ-მოწერა მე-9 საექსპლოატაციო-ტექნიკური კვანძის უფროს ამხ. კვიტაშვილთან, სიღნაღის კვანძის უფროს შუბითიძესთან და, თქვენ წარმოიდგინეთ, საქ. კავშირგაბმულობის სამინისტროს ტექნიკური ნაწილის უფროსის — ოვანოვის ყურსაც კი მიწვდა ეს ამბავი, მაგრამ, აგერ ერთი წელი გადის, წერილებს და დაპირებებს ბოლო აღარ უჩანს, ხოლო ტელეფონის ზარის ხმა კი არ ისმის.

იქნებ, შენ იცოდეთ, ძვირფასო ნიანგო, და მეც გამაგებინე — კიდევ რამდენი წელი უნდა ველოლო 200 მეტრი ხაზის აღდგენას, რომ ტელეფონის ამუშავებას ვეღვრსო?

დაურუხულ-დამუწეხული შენი ნაბლევონარი



რედაქტორი ნ. დუმბაძე

სამომცემო კოლმეურნეობა: ს. კლდიაშვილი, ნ. მალაზონია, გ. ნიშნიანაძე, ნ. შველიძე, ო. ჭელიძე.

საქ. კბ. ცენტრალური კომიტეტის გამომცემლობა

თბილისი, სატირისა და იუმორის ყურნალი „ნიანგი“. Тбилиси. Сатирико-юмористический журнал „Нианги“. რედაქციის მისამართი: რუსთაველის პრ. № 42. ტელეფონები: რედაქტორის — 9-76-69, საერთო განყოფილების — 3-10-78

ხელომწ. დასაბ. 23/III-1966 წ. ქალ. ზომა 70x108 1/8 0,5 ნაბ. ფურც. 1,37. ფიზიკურ ფორმათა რაოდენობა 0,5, პირობით ფორმათა რაოდენობა 1, ხელნაწერები ავტორებს არ უბრუნდებათ. საქ. კბ ცვ გამომცემლობის სტამბა № 1. ლენინის ქ. № 14. შეკვ. № 1062 უე 02930 ტირაჟი 50000

ნ.ბ. ბ. ლომიძისა



— დიეგო, სიხოვე ცოტა მიწა დაგვიტოვოს, თორემ უფიჭილით ამოვწყდებით!

ამასწინათ წყალბადის ბომბებით დატვირთულმა ამერიკელმა თვითმფრინავმა ესპანეთის ტერიტორიაზე განიცადა ავარია, რის შედეგადაც მოიწამლა მიწა და მცენარეულობა. ამერიკელი ხელისუფლები იძულებულნი გახდნენ დაახლოებით 1500 კუბმეტრი რადიოაქტიური მიწა სპეციალური კონტეინერებით წაეღოთ შერთებულ შტატებში და დაემარხათ ეივონას მახლობლად, სავანა-რივერაში.